



Inatsisartuni ilaasortaq, Peter Olsen

Inuit Ataqtigiit

/Maani

Sags nr. 2018 - 14730
Akt nr. 8284883

Postboks 930
3900 Nuuk
Tlf. (+299) 34 68 00
E-mail: asnnn@nanoq.gl
www.govmin.gl

**Aatsitassaqarnermut inatsimmi § 45a pillugu § 37 tunngavigalugu
apeqqummut akissut nr. 2018/144, 06-07-2018**

Asasara Peter Olsen

Apeqqu 1:

*Naalakkersuisunit ilisimatitsissutigeqquneqarpoq, § 45 a-mi aningaasanut
killigititaasoq taaneqartoq ullumikkut qanoq innersoq, tassa imaappoq
atuisartumut akigititat allattorsimaffianni allannguutaasunut naapertuutsillugu.*

Akissut:

§ 45a-mi akigititanut killigititaq taaneqartoq ullumikkut kr. 103.556-iuvoq.

Apeqqu 2:

*Naalakkersuisut qinnuigineqarput, aningaasanut killigititaasoq qanorpiaq
aqunneqartarnersoq, tamatumunngalu ilaatigut ilanngullugu, § 45 a-mi
killigititaasumit naleqarnerusunik inuk aatsitassanik katersisimansoq pisortat
qanorpiaq ilisimasaqalersarnerlutillu nakkutiginnittarnersut naatsumik
nassuaatigeqqullugu.*

Akissut:

Aatsitassanut, Suliffeqarnermut Nunamullu Namminer-
nut Naalakkersuisoqarfik innuttaasoq aatsitassanik nalilinnik, § 45a-mi
killigititaasoq qaangerlugu katersisimansoq innuttaasumit
namminermit avammut tunisassiornissamut, innuttaasup
nammineerluni nalunaarneratigut qinnuteqarnermi nalimik
aalajangersaanermi aamma ilanngaaserisut misissuinerisigut,
ilisimasaqalersarpoq.

Innuttaasoq killigititaasoq qaangerlugu nalilinnik aatsitassanik
katersisimappat, aatsitassat killigititaasoq qaangerlugu
anigaasartai Aatsitassanut inatsimmi § 45a, imm. 3
naapertorlugu Aatsitassanut, Suliffeqarnermut Nunamullu
Namminer-
nut Naalakkersuisoqarfimmi uninngatinneqartarput.
Tamatuma kingorna innuttaasoq Aatsitassanut inatsimmi § 45a,
imm. 4 naapertorlugu, aatsitassanik nassaarfimmini
katersinissaminut annikitsumik piiiaanissaminut

qinnuteqarnissaminut periarfissaqarpoq. Qinnuteqaat taanna akuerineqassappat, aatsitassat Naalakkersuisoqarfimmi uninngasuutigineqartut innuttaasumut tunniunneqartarput. Paarlattuanik pisoqarpat, akuersissuteqartoqanngippat imaluunniit innuttaasup akuersissummik qinnuteqarnissaq sumiginnarpagu, aatsitassat Naalakkersuisoqarfimmi uninngasuutigineqartut Aatsitassanut inatsimmi § 45a, imm. 5 naapertorlugu tuniniarneqartarput isertitsissutaasullu Nunap Karsianut nakkartarput.

Apeqqu 3:

§ 45 a naapertorlugu najugaqavissut katersuillutillu paaasinnaatitaanerannut aningaasanut killiliussaasoq atorunnaarsinneqartuuppat/peerneqartuuppat, Naalakkersuisut naliliinerat malillugu kingunerisinnaasai suussagaluarpap?

Akissut:

Aatsitassanut inatsimmi § 45a-mi killigititaasoq peerneqassagaluarpap, innuttaasut aatsitassanik inuussutissarsiuutigisinnaasaminnik kiffaanngissuseqarlutik katersisinnaalissapput. Aatsitassanut, Suliffeqarnermut Nunamullu Namminermut Naalakkersuisoqarfik killigititaasup peerneqarnerata kingunerisinnaasai pillugit suli misissueqqissaanngilaq. Taamaattorli Naalakkersuisut siumut isigisumik siunertaraat, Aatsitassanut Inatsimmi § 45a-mi killigititaasup siunertamut qanoq tulluutsiginera maluginiassallugu. Tamanna ilaatigut atuisunik ingerlaavartumik oqaloqateqarnikkut pissaq (tassunga ilanngullugu isumasioqatigiissitsineq), iluaqutaasut misissoqqissaarnerat aamma avatangiisinik nalilersuineq. Aasaanerani sulinnigiffeqareernerup kingorna misissueqqissaarnerup aallarnisarneqarnissaa ilimagineqarpoq tassanilu inatsiseqarnermi allannguutissat sorliit tulluunnerussanersut nalilersorneqassapput.

Apeqqu 4:

§ 45 a naapertorlugu aningaasanut killiliussaasup peerneqarnera, Nunatta Karsianut/Landskarsimut, inuussutissarsiortunut innuttaasunullu pitsaanngitsumik/(pitsaasumik) kinguneqassasoq Naalakkersuisut nalilersorpaat?

Akissut:

Siuliani apeqqummut 3-mut akissummut innersuussillunga maanna killigititaasup § 45a naapertorlugu peerneqarnera qanoq Nunap Karsianut, inuussutissarsiortunut innuttaasunullu kingunerisassai maanna nalilersorneqarsimannngillat. Taakkuali misissueqqissaarnissami aggersumi ilanngunneqarumaarput.

Apeqqu 5:

Aningaasanut killiliussaasup peerneqarneratigut allaffissornikkut aningaasartuuteqarnerulerneq, imaluunniit aningaasanut killiliussaasup peerneqarneratigut allaffissornikkut oqilisaassineq nassatarineqassanersaq Naalakkersuisut nalilerpaat?

Akissut:

Siuliani apeqqummut 3-mut akissummut innersuussillunga,
maannakkuugallartoq killigititaasup § 45a-miittup peerneqarmerata
allaffissornikkut aningaasartuutitut oqilisaassinernullu kingunerisassai pillugit
nalilersuinernik soqanngilaq. Tamanna misissueqqissaarnissami aggersumi
ilanggunneqarumaarpoq.

Inussiarnersumik inuulluaqqusillunga

Vittus Qujaukitsoq
Vittus Qujaukitsoq

20-07-2018